

光緒重修安徽通志

重修安徽通志卷二百三十四

人物志

孝友一

夫孝友雖曰天性實賴教化焉洪水平烝民粒亟使司徒教人  
倫厥後周官六行孔子一經其教益明於天下聖教旣明故雖  
六朝擾攘五季紛爭明末流寇蔓延而生人天性終不隨世變  
而漓況我

列聖論訓十六條煌煌昭示四海風同豈獨安徽一省而卽一省以推  
之天下則知敷教明倫其效蓋可觀矣往者轉徙兵閒多有蹈  
白刃以衛其親者特別於忠節而列諸此篇以廣前志至前志  
所載太和楊謫仙按明史孝義傳敘爲雲南太和人例得刊誤  
述人物志孝友

安慶府

宋何伯璵廬江人與弟幼璵俱勵節操養孤兄子及長為婚娶  
推家業盡與之安貧枯槁誨人不倦有蔡智墨者鄉里號蔡曾  
子伯璵兄弟鄉里號何展禽並為高士沈顗所重南史吳達之  
懷甯縣

志  
新增

唐徐仲源望江人母病割股為糜母食而愈貞元中上聞勅號  
所居鄉曰孝感母畏雷仲源必躬為掩耳既卒葬於宅東南隅  
每遇雷震輒覆墓曰仲源在斯事聞再命築孝義墩賜白華軒  
以彰之江南  
通志

明曹鏞懷甯人母病割臂肉以療者三皆獲愈妻王氏亦割肉  
以療姑疾洪武中旌表一統志  
明  
史孝義傳敘

曹瑛桐城人明初六世同居一家三百餘人不蓄私財桐城  
縣志

楊貴懷甯人母病割左股及脅以進遂愈詔旌其門

江南通志

韓祥印懷甯人再割股療祖母及母疾

江南通志

程昇懷甯人母聶守志昇以孝聞曾前後割股以愈母病同邑

盛應魁與葉正弈皆以割股聞

江南通志

江東隅懷甯人父病割股暈而仆眾驚視血流滿地口喃喃作

治藥聲眾爲進之父卒東隅亦以創亡

懷甯縣志

張祝桐城人十歲母疾割股以進遂愈

江南通志

夏子孝字以忠桐城人初名恩六歲失母哀如成人九歲父病

危割股以進得愈翌日創臥父詰知大號鄰里趨視嘆異聞於

官前一夕知府胡麟夢王祥來謁詰旦牒至詫曰孺子其祥後

身耶召見易其名曰子孝達之學使爲諸生父喪廬墓後師事

王畿等學使耿定向將疏聞於朝力辭而止

明史孝義傳江南通志

吳旦桐城人割股以愈親疾後以貢入成均考授建安佐兩署縣篆有循聲以艱歸值歲饑煮糜以賑施棺掩骼人咸德之

安慶府志

朱文林桐城人甫六歲喪父哀麻哀慟如達禮者母病篤潛禱於天剖乳下肉一臛和湯以進遂愈及卒廬墓竟以哀毀卒江南通志

鄧元聲桐城諸生母病篤焚香割股以進安慶府志

徐卽署桐城人甫八歲祖沈疴臥牀署割股進祖食之霍然起同邑盛唐年十二祖母病篤割股療之得愈後唐父病唐爲嘗穢其母張亦割股救夫得愈江南通志

金韓桐城人由新安徙母病割股以進弗愈聞古有割肝者乃穴腹取之母啜少許立瘳江南通志

黃朝烈潛山人母病泣禱於天願以身代因割左股和羹飼之遂愈同邑袁學知母病籲天割股母食之卽痊推父遺產以讓二兄又汪勝魯母病垂危刲股寸許和羹以進病頓起

江南通志

慶府志

王基泰潛山人母病甚割股進湯沈疴頓起父九鼎死節故城基泰數千里負遺骸以歸赴闕上書積勞成疾卒

安慶府志

呂璵太湖人母病禱天求代不愈乃刲股入藥亦不痊及卒廬

墓朝夕哀泣不絕嘉靖閒旌

明史孝義傳敘璵作勝江南通志

李日新太湖人母病已瞑目日新割股入藥起齒嚙之立蘇

府志

方友信宿松人母病三十年侍湯藥不倦及疾甚刲股以進子

際明際奎孔成孔祐俱刲股救親時稱方氏五孝

江南通志

張洪猷宿松庠生父卒廬墓三年母疾刲股和藥得愈讓產以

分諸弟天啟四年旌

江南通志

何大節宿松人家貧養親必豐母病刲股進之獲愈兄弟三人

節經營所得以給二弟己無私焉

安慶府志

龍湧望江庠生家被火祖母方解睡奔入烈燄中負以出父病

刲股療之得愈嘉靖中詔旌其門曰慈順復其家

一統志明史孝義傳敘

蕭起鳳望江人十二補諸生父病刲股和糜進霍然起臺司表

其門曰孝子閭

江南通志安慶府志

方可遇望江人生十歲而父卒事兄如嚴君母疾額天刲股和

糜進遂得愈子曰賜郡庠生亦以刲股愈母疾人稱世德

安慶府志

朱守益宿松人母疾刲股同邑葉應龍亦刲股救母又望江蔣

珉刲股救父得愈

江南通志

檀郁字子復桐城人幼孤母汪氏守節郁事甚謹及母卒貧無

以葬或贈以山多石不可穴夢神告以湧泉穴得之山麓遂葬

而結廬焉忽石罅出泉喪畢而涸正統中旌表

一統志明史孝義傳敘

吳本清懷甯庠生父疾嚮天求代母卒廬墓有甘泉芝草之瑞

成化時旌

一統志明史孝義傳敘

程維懷甯諸生父母卒俱廬墓至服闋以長兄早世資產悉讓

孤姪同邑程睿思諸生父卒廬墓三年

安慶府志

胡洪桐城諸生母病躬侍湯藥夜不就寢及卒廬墓父卒又廬

墓三年

安慶府志

李悅潛山人永樂辛卯舉人官深澤教諭父母繼卒廬墓六年

食惟餠粥雖鹽味不近

安慶府志

雷士吉太湖庠生父卒廬墓三年母卒守墓亦如之凡鮮物爲



父母病時所未得者終身不食

安慶府志

呂之徵太湖庠生父卒廬墓三年事聞得旌

江南通志

馬繼周太湖人父早卒母陳氏守志母卒廬墓三年哀感之聲

動於松柏萬厯間母子俱旌

江南舊志

阮聖士太湖貢生母卒哀毀骨立廬於墓側斷葷者三年著有

詩文十餘卷

安慶府志

雷恂太湖貢生二親繼亡廬墓號泣者三年竭力養祖母事兄

若父視姪若子卒年九十一

安慶府志

張國憲宿松人山居不入城市一夕盜至負母踰牆身受三創

得免母亡廬墓三載同邑石汝修少失恃父卒廬墓三年及繼

母卒亦如之

江南通志

黃正中宿松人母病亟哭泣成疾與妻吳氏侍不解衣及卒廬

墓三年父疾與兄正位俱割股和藥父次第飲之得蘇及卒哀

慟三年未嘗見齒

安慶府志

魯希曾懷甯歲貢與弟孝廉希周菽水侍母必歌詩以侑之母

疾三年衣不解帶學使欲以孝旌希曾泣辭曰此自生人恆事

何忍以父母博名哉學使降階而揖愈敬禮焉

江南通志

段正洪懷甯人性至孝母卒會鄰家火將及正洪以身蔽棺號

天哀甚忽雷雨大作火隨止

江南通志

阮以臨懷甯舉人知普甯縣攝新會篆皆有惠政少豪俠知軍

旅總督葉夢熊征甯夏疏薦偕往以臨潸然出涕曰溫太真一

代人豪特以絕裾而出千古薄之吾奉菽水他不問也力辭不

出母歿每除夕必墓宿後爲欽州知州卒於官

江南通志  
安慶府志

殷溥字直菴宿松人成化癸卯舉人少孤事母極孝欲得薄祿

以事親就教嘉興遷國子監助教覃恩錫封有母節子孝之褒

母亡後遂不復出

江南通志

胡效才字用甫桐城人嘉靖乙丑進士少貧授徒以養事父及繼母盡孝嘗築二室體父母意即以授二弟江陰令以故交厚餽不受僅受布二端以奉母後卒於京邸猶致書二弟以不得終養為憾

國朝雍正五年

旌表建坊

江南通志

咎學易字心源懷甯人萬歷閒舉人廉介不苟取有方士善黃白之術欲私相授學易笑卻之故人為臨川知縣值歲歉遣以金復載粟數十斛相餉俱不納性至孝父教甚嚴年六十猶撻之則跪受惟謹父年及耄恐獨處不暖共被者八年授金谿知

縣不就卒

一統志

方鵬字其大懷甯人家貧繼母馬遇之恩薄有女弟馬出也馬欲鬻居以嫁之馬旣卒鵬猶如其意治匱父病篤吐血一升跪接而吞之尋歿刻像飲食必祭會他出夢父有怒色馳歸有家僅省其像號泣治之蓋誠孝所感如此後登嘉靖丙戌進士歷官多異政以祿不逮親終身不敢自奉仕至陝西督學僉事

江

通志 安慶府志

吳堂字德升桐城諸生父患脾痛堂手自抑搔數月不使人代至丙夜父命之退猶泣不忍離父病革謂堂曰汝母非汝恐不得盡菽水之歡也將析產伯兄爲政堂僅得瓦廬半間以奉母有圃在伯兄舍後堂知其欲卽書券以遺之值歲歉有歸粟數十斛者堂縮口節食以其羨給諸從兄弟及比鄰之乏者後以

子一介貴贈副使

江南通志

方琳桐城人母弟四從弟二同居其炊自父及身數十年不改琳秉家政不私一黍旦命某讀某書某耕某田夜則集坐論業怡怡如也天順閒應辟爲天官生諸名賢皆與之遊給事姚旭題其堂曰翁樂學士柯潛爲之記

安慶府志

方可桐城人伯仲皆異母父獨愛可伯仲恚之父卒伯仲爭貲可曰兄弟無訟詞不訴鞠不辨引咎而已有司直之嘗置義倉積穀以濟貧者

江南舊志

方岱望江人父璽以孝行著岱嘉靖時歲薦當選以母老不肯仕詔授職以旌之

江南通志

彭寶字惟善桐城諸生父母怒則涕泣叩頭得解乃起父母不和嘗終日跪以求解妻胡氏事姑稍不敬輒欲出之妻悔悟卒

以婦道稱後居喪哀毀卒遺言以衰服斂邑人以寶與朱文林

並祀孝子檀郁祠

一統志

陳所聞桐城諸生少孤奉母能得其歡且讀且耕次第爲弟姝營婚嫁以耕讀所得置田各畝一頃弟兄白首怡怡如也縣令

旌其門

江南通志

周聘桐城諸生父母歿以未得葬十年不釋衰經知縣李尚默賻金爲營葬或言當詣縣庭謝聘曰此李侯自爲治邑計吾何謝葬訖猶未釋服曰爲人子而以親喪煩長吏吾何安又三年乃釋服

一統志

陳邦符潛山人少孤母萬年二十守節誠邦符曰兒能勉讀父書庶不負母忍死意符感泣就塾出入必稟命遺產盡推以讓叔授徒以養母卒廬墓哀毀以恩選歷三縣學博遷潞守審理

江南通志

方之綱字振宇桐城人萬歷丙子舉人授雲南曲靖府推官愷悌神明滇人戴之弟之紀因兄出仕慨然曰兄出則弟當處力課農桑使兄無家累以成廉吏之綱在任亦念弟不置曰吾安忍久在外以累吾弟乎遂告歸同居終身時兩高之

江南通志

張思誼桐城人八歲喪父事母極孝夏驅蟲冬炙爐必親爲之值令節必坐母堂上拜跪獻酒徹亦如之五十年如一日弟思誼孱而愚誼衣食之年未三十妻亡不娶曰恐有室則於吾弟

疏耳

江南通志

周登桐城人弟赦早卒遺千金篋以授登其子不知也登撫之成立比長授室補博士弟子乃出以授之封識宛然

江南通志

周自桐城諸生弟覽侵賦有司督之急覽售產於自以償自爲

代輸八百金不受產惟取一雕窠曰弟以太侈故至此欲碎之  
以示誠宗人或請之卽與之居數年賦仍不給又納二百金覽  
感泣後亦稍克自振云

江南通志

張廷中桐城人兄弟五人旣析箸弟業日落廷中滋殖曰吾不  
忍弟之壁立也集諸弟合爨而居久之諸婦有後言廷中曰吾  
知厚弟耳安問其他悉以所殖之產五分之仍爲輸稅終身

江南通志

方初字子復桐城人童時父病瘠暑嚴寒不離臥側妻盛氏事

姑甚孝內外無閒言

江南通志

黃敦字效仁桐城人同祖二弟家落鬻產敦曰不可委祖澤於  
異姓厚直取之弟後以困乏拮据治生敦曰吾何忍取弟產欲  
其知艱苦自立耳今乃能如此遂以產還之不取其直

江南通志



邵冠桐城諸生以孝聞葬親後過其山必泣拜而後行數里外

望見必式而改容

江南通志

胡琴太湖人母早亡繼母嫉之琴事之盡孝母疾禱天求代母

聞而感動母嘗當暑晝臥必衣冠揮蚊蠅不輟及母九十琴年

七十矣猶不改常度定省益勤事聞旌其門曰七十而慕

江南通志

葉日升字寅初望江人萬厯己酉舉人時方重慶介眉侍壽猶

執少儀友愛諸弟館穀所入悉以分給人稱真孝廉

江南通志

方祉字子受桐城諸生事孀母極孝兄祿患疫近者輒死祉扶

抱服勞不離左右兄謂之曰人畏我疫弟何獨如此答曰智者

不信幽而棄禮仁者不違道以求生兄病尋愈

江南通志

顧槐太湖人事父至孝父意所在無不委婉承順及卒廬墓三

年萬厯閒旌表建坊

明史孝義傳敘  
江南通志

殷效桐城人繼母夏有二子美衣豐食就傳授書而裁效衣食使耕效作苦淡泊無難色夕歸濯足更衣侍側色常愉父喜勞之愈奮力乃致千金分給諸弟錙銖不私夏亦感悅遇效有加

江南通志

丁瑁桐城人性孝母病疽吮之而瘳及卒廬墓三年歲饑積粟

數百石盡以散給鄉鄰族里不能婚娶者咸助之資

桐城縣志

王鼇桐城人父卒廬墓日夕哀號思慕不已忽夢父曰兒何不

肖我以像鼇曰兒不解畫奈何父曰吾其誨爾既覺舉筆而就

酷似其父見者以爲神授

江南通志

朱蓬桐城人兄弟六人善事母氏瀉樸孝友合力構一堂以居三年又成一室與仲氏次第相及各安其室有鄰翁貧病田蕪蓬使三弟爲之墾翁異之蓬曰吾力有餘翁力不足故代耕耳

江南  
通志

汪文煒字純符宿松人父卒事兄如父奉繼母以孝聞母始苦之後亦感悟萬歷癸卯舉於鄉知靈邱縣致政歸析產兄子與己子均嫁姪女一如己女晚歲貧窘處之淡如

江南通志

田荆字義軒宿松人幼喪母繼母駱撫養之及長事母孝母喪明食必親奉侍疾不解衣數月及卒哀慟幾絕二弟幼荆撫育之田舍分給無私

江南通志

吳旦字子寅懷甯人以貢任孟津教諭幼孤事母孝昆弟羣從食指甚繁皆待養於旦旦教授生徒所入悉以公之妻方氏糲食敝衣無怨言歷數十年如一日

安慶府志

盛希夔懷甯人父病肺晝夜侍湯藥衣不解帶居喪哀毀兄弟爭取父資希夔一無所問

安慶府志

吳汝鼎懷甯庠生幼失恃傷痛嘔血弔者泣下兄汝忠病癰鼎稱貸易參苓進肉食躬爲洗滌百日不倦夙精典故饒經世學巡撫張國維史可法咸國土遇之

江南通志  
安慶府志

齊永箕桐城庠生父邦彥爲盜執拷索財物永箕驚起不及衣裸體直入厲聲曰財物任汝取勿傷吾父殺我可也盜相謂曰此人捨身救父孝子也相率去誠孝感物時稱異之

安慶府志

余典字克敦桐城拔貢居家孝友兄弟子姪近百口其炊而食

內外無閒言

安慶府志

吳德堅字爾玉桐城庠生孀母姚氏明末寇亂罵賊死德堅終身思慕有時門人語及流寇輒悲悼涕泗廢寢食者彌日

安慶府志

丁一鳴號惺蓼潛山人萬厯丙辰進士授中書舍人性孝友清

俸所入悉分昆季崇禎閒召對稱旨選給事中卒於官喪不克

舉同官助之櫬始得歸

安慶府志

陳道賓潛山庠生兄弟三人仲早歿有子四人皆幼道賓撫育教誨爲之婚娶過於所生又嘗設義冢葬枯骨有古君子之風

江南通志  
安慶府志

王世蒸潛山人父早卒孝事孀母有弟六人俱穉弱世蒸撫育以逮婚娶成立拮据四十餘年不改其度同邑廩生徐翊明孝事二親友愛其弟教之成名甘苦必共

安慶府志

陳貞肅潛山人色養二親與二兄友愛不忍析居長兄歿無嗣事嫂尤謹次兄歿遺孤二人年皆數歲貞肅撫育成人分給田產與子維均

安慶府志

章允端太湖庠生父早卒弟在襁褓允端事母孝撫弟成立備極艱辛念母孀居杜門不干仕進旦夕依膝下邑大疫收瘞骸

骨無數

安慶府志

柴維楨字克生宿松諸生十歲時母被骨哽七日不食楨哭其旁亦七日不肯食後以貢應選值父疾危不往服闋有勸駕者

泣曰親不逮矣豈可爲毛義所鄙廬於墓側終其身

宿松縣志

趙惠宿松人性至孝母死不能葬鬻女治事及父卒復鬻子知

縣施溥義其行爲捐俸贖其子

安慶府志

黃日新宿松人父早卒母疾侍藥不離及卒日夜號泣弟求析爨新不忍而泣遂止越數年兄弟俱欲分析乃聽自擇無所恡

後其弟鬻屋出居新又構屋居之周其衣食

安慶府志

江恒涓宿松人萬厯閒饑妻爲富家泮滌躬爲書傭以佐薪水鬻宅爲弟授室母年八十齒落不能食親哺之邑令咸式其廬

宿松縣志

張麗奎宿松人兄弟五人同居不析箸同邑庠生高如翼如軫孝事孀母兄弟不析箸老年友愛尤篤人皆以爲有公藝風

安慶

府志

張期賜桐城人父病刲股以進及卒廬墓三年

桐城縣志

何自奇宿松人母疾同妻徐氏抱扶澣垢日夜焚香願損壽以益母母已瞑復甦語其妻徐曰有告我與爾年均自是漸健後

年八十九卒徐年亦八十九卒

安慶府志

王維翰望江人父疾究心岐黃調藥以進得愈後以明經司訓廬江升辰州教授以母老不赴饒居數十年坐臥不離母側母

卒亦以哭母卒

江南通志

李德賓望江人母病吮癰不離側者三十年

江南通志

章繼魯望江庠生親疾籲神求醫長跪淚泣親歿旣除喪祭祀

必哭君子終身之憂於繼魯見之

江南通志

王準字明衡望江庠生父枕生子五人準獨任甘旨父將卒有遺金以付準準拜泣卽以公諸昆弟弟惟無嗣準憐之同起居飲食二十年惟先卒有遺金準爲之分給諸猶子

江南通志

方學尹字起莘桐城人葬父奉遺命與繼母同窆不敢違掘穴有石號泣額天鑿石以厝後徙墓皆成土矣人以爲誠孝所感

江南通志

阮廷瓚桐城人早失怙恃事兄如父兄窘辱之瓚惟順受後一僧指其兄爲盜吏捕之瓚使兄逃而代就捕備受拷掠曰我兄非盜必欲誣盜盜者我耳官憐而釋之後以子鶚贈刑部主事

安慶府志

盛儀桐城人事父母孝兄欲析居儀抱弟哭曰安忍視不聽析



券盡以讓兄及兄卒家落儀迎嫂養之撫其孤俾有室家季弟  
德領鄉薦未仕卒妻年少守節給養甚周厚廕其女如己女凡  
宗姻婚喪弗贍者輒助之以子汝謙貴封御史安慶府志  
馬懋襄桐城增生太僕孟禎子十一歲喪母哀毀若成人每痛  
母不及養刺血寫經以子之瑛贈陽江知縣

國朝以孝行蒙

旌祀忠孝祠桐城縣志

倪夢梅桐城人父疾禱神願以身代躬侍牀褥累月無惰容事  
繼母至孝與弟析產不問多寡惟其所欲以子應眷貴贈太僕  
少卿安慶府志

姚自虞桐城廩生篤志孝友季弟廢業貧甚爲之置產再廢再  
置無怨言解紛賑饑鄉里德之子之蘭初令海澄貽之書啟

左右避之之蘭曰吾父無私語也與眾觀之戒其訊獄必思平

反而已後贈汀州知府

安慶府志

劉應甲懷甯諸生叔父母無嗣病篤應甲遂不應試侍湯藥營

葬如子鄉里義之

江南通志

左光前桐城人忠毅光斗兄也忠毅罹瑞禍檻車就徵時以母病不得偕及母稍痊卽徒步入京則忠毅已致命獄中護櫬南歸售產償所坐贓崇禎初使忠毅子伏闕訟冤得申雪賜祭葬贈蔭父母猶及見之嘗赴金陵聞父疾亟歸逆風鼓棹頃之得順母疾須梨冬月不得攀樹悲號適遇售者人皆以爲孝感所致及父母繼歿光前亦以哀毀卒史閣部可法爲之傳

桐城縣志

顏從仕懷甯人與弟從心俱諸生事親至孝年六十餘母疾猶躬自浣垢授經所得悉以佐菽水歡

安慶府志

王道溥懷甯人幼孤母壽近期頤道溥與弟道達年皆七十外

孺慕不衰家不析箸者已三世

安慶府志

張自孔字石門宿松廩生年十二時隨父避賊為所執賊問有

馬否自孔給曰有駒在山洞願釋父往取賊從之私與父曰父

得還兒死無恨矣賊久待不至遂引去自孔亦得脫歸

江南通志

光廷瑞桐城庠生給諫時亨子也馬阮構難時亨遇害廷瑞刺

血作疏入閩訴冤樞臣黃道周為之辨白得雪授廷瑞中書舍

人未幾卒

桐城縣志

吳大匡字介皇宿松人明季賊陷宿松年僅十四刃傷道左死

而復甦性孝母疾刲股和藥以進得愈與人交至老不渝鄉黨

咸欽其孝義

宿松縣志

余必倫

縣志入國朝

太湖人幼時其父為賊所執冒刃往救賊異而

釋之性好善嘗解囊全人夫婦

太湖縣志

程奎煥桐城諸生與弟諸生奎章俱至孝居喪一稟家禮葬親

龍眠山兄弟並廬墓三年

桐城縣志

方穀桐城諸生父歿築廬墓側朝夕哭奠視姪如子臨終命析

產與子同

桐城縣志

方大欽桐城人母疾刲股以進得愈同邑許志和刲股療父又

刲股療母復刲股療兄又陸士親龍應興皆以刲股療母聞

桐城縣志

志

唐維典桐城廩貢母病刲股以進得愈後官淮松鹽運司同知

有政聲

桐城縣志

胡德華桐城人繼母病瘵三十年奉侍不懈刲股以進及卒哀

甚竟以毀卒

桐城縣志

陸士條桐城人父病刲股以進同族希盛亦刲股以愈母疾

縣志

任良田桐城人家貧傭工養父父卒叩所傭家乞以身貸金約

傭三載以償遂得資斂父葬於母墳之左廬墓側晝出傭工夜

則歸廬俯泣既三年遂守廬不出

桐城縣志

丁達桐城人明季寇至母臥病不起守之不肯逃出與賊遇被

刃墮絕蘇而歸母已被害大哭創裂斂葬畢伏墓痛哭遂卒

桐城縣志

縣志

戴知興桐城人方七歲寇亂母攜之至廬江舅氏家廬江陷母

被賊害并焚其居知興大呼躍入火中伏母屍側而死

桐城縣志

胡之佩桐城人寇執其父母號泣請代得釋

桐城縣志

汪國瑞桐城人母病癰寇至縛之樹而焚其居賊去遇釋得母

骨於燼中抱之痛哭而死

桐城縣志

周圖南桐城人年十二母卒供母主於書舍出入必告不飲酒食肉三年如一日寇至弟與其妻皆死於賊弟一子亦被掠圖南直入賊壘竟得之以歸

桐城縣志

李明楫桐城廩生寇至偕兄明柱匿其母遂遇賊抱而哭賊欲殺其兄楫以兄無子請願身就戮賊義而皆釋之

桐城縣志

周夢麟桐城歲貢盜嘗入室獲其母請以身代盜欲刃之其魁曰孝子也以身擁蔽而免後官長葛訓導葛人師之

安徽府志

朱殿桐城人避寇山中父與弟載被執挺身呼救忽有大石自山巔隕寇驚而去遂得免載爲邑庠生嘗割股以愈母疾

桐城縣志

馮正陽桐城人負母入山築堡禦寇以功授守備銜偶出追賊忽心動馳歸賊已入堡欲劫其母以招之正危急而正陽至得

全人以爲孝感

桐城縣志

劉斐字君輔懷甯人翰林溥之子垂髫時聞父訃晝夜奔赴渡

河墮水逾時而出人以爲孝感

懷甯縣志新増

容恭字益所懷甯歲貢宸濠之變恭倉卒奉父柩入山墮水身與俱沒伏柩側數晨夕肌膚盡裂遇救獲免後仕香山知縣

縣志新増

尹楷字聖木桐城諸生性至孝崇禎末流賊殺其母楷與子守母屍三日賊復至楷奮身擊賊遂被殺

一統志

陳廷選潛山人賊至母謝老不能行廷選負母匿草間爲所獲將殺其母廷選叩頭流血請代賊殺之而舍其母妻陳氏屬其

子文露曰汝善事姑墜巖死

江南通志

張清雅字玉楚潛山人崇禎丁丑張獻忠來犯清雅守父棺不

去賊入其家疑棺內藏金銀欲剖視之清雅據棺哀泣賊斷其  
手仆地幼子超藝年十六號哭求代賊復斫之父子俱死而棺  
得不剖老僕雲滿具兩棺斂之亦不食死

明史本傳

劉之瑄字朗生宿松庠生賊至適父病家人呼瑄出避瑄曰吾  
惟死守吾父耳賊將殺其父瑄以身蔽之連受數刃死

江南通志

袁師皋字理衡宿松增生母老齒脫不能食師皋年已六十口  
哺之賊至殺其母師皋奮身與鬪死事聞旌表

江南通志

萬民望字兩虛宿松諸生賊至負母而逃遇於途泣告願以身  
代賊殺之而貰其母

江南通志

楊士奇字伯英宿松人城陷父介八旬被執士奇出救抱父而  
死同邑張瓚乙酉城破父被執瓚給以多金許身爲質父得逃

去瓚遂遇害

江南通志



國朝乾隆四十一年自尹楷以下並

賜祀忠義孝弟祠

勝朝殉節諸臣錄  
舊志忠節新移

戴君鼎懷甯諸生父年七十七病廢君鼎籲神乞代父夢人謂

汝有孝子當延算十齡已而果然弟婦魯早孀遺孤五人俱撫

成之年七十三卒乙酉兵叛妻宣守柩不去被害

懷甯縣志  
新增

胡養舒字拙夫桐城諸生崇禎戊寅流賊殺其父養舒與子某

憤欲報仇守父尸不去次日賊復至父子力鬪俱死之

桐城縣志  
新增

增

孫可榮桐城人崇禎末負母挈弟避賊深谷中食盡求草木實

以供養母病熱思石耳求諸飯飯壩巖閒腰絙斷墜巖死土人

哀而瘞之題曰孫孝子冢

桐城縣志  
新增

方都韓字大方懷甯選貢居母喪盡禮乙酉兵叛執其父應聘

都韓與妻呂氏俱代死應聘得免都韓著有去兵議榷稻議五

捷紀剿寇十三策禮經搜義門山蕊閣集

懷甯縣志  
新增

劉宏遠字仲馨太湖人明季之亂同弟宏進避地江西贅妻生

子問主人欲害其弟遂棄妻子挈弟歸里

太湖縣志  
新增

程煥潛山人父一聘嘗刲股療母明季寇亂率眾保喬木寨爲賊所執煥負母且逃且鬪賴僕力乃脫次日尋父尸歸葬鑄佩刀篆不共戴天宇於上後爲

大兵嚮導得害父者手刃之

國朝道光十六年奉

旨建坊祀忠義孝弟祠

潛山縣志  
新增

重修安徽通志卷二百三十五

人物志

孝友二

安慶府

國朝張秉彝字孩之桐城人秉文弟明季諸生爲文一本經術以秉文官於外父母年老遂絕意仕進家居奉養極意承歡秉文殉難山東泣走數千里攜孤扶櫬以歸及親喪廬墓冢樹交花人稱孝感以子英貴

贈翰林學士兼禮部侍郎

諭祭葬後又

贈文華殿大學士兼禮部尙書

一統志

劉世蔭懷甯諸生親歿廬墓乙酉城陷父柩厝郭外守之不去

賊至欲刃之以守父柩告賊感而去者數四

懷甯縣志

劉漢幟太湖人明季歲貢母卒廬墓三年入

國朝學使藍潤徵聘之堅辭不出

安慶府志

方都亮懷甯諸生乙酉城陷奉母避入山母老病不能行以竹

爲盤與兄楚昇之而走素癯力弱雖勞不懈竟得疾卒

懷甯縣志

夏繼春懷甯人流賊至祖母張爲所執繼春隨父奔救俱被執

勒以金贖父念金無從出欲脫兒自畱以殉母繼春又欲畱以

脫父賊從繼春言叱其父去明日賊移營將刃張繼春抱張項

賊不能解遂殺繼春棄張去

安慶府志

蔣肩之懷甯庠生乙酉城陷賊欲刃其母兄奕之以身庇母遇

害肩之遂得負母走奔入山中虎俱讓路後母疾侍奉衣不解

帶奕之子被掠變產贖歸撫如己子

安慶府志

孟珣懷甯庠生兩弟俱爲賊所掠冒險徒跣作縶夫尾賊舟  
辛苦二載得之豫章歸爲完娶季弟璞死婦僅二旬孤纔四月  
珣養之撫之四十年如一日

安慶府志

勞永蕃懷甯人生歲餘乙酉兵亂祖母抱之逃母曹氏離失永  
蕃年十三誓出尋母徧歷都邑杳無音耗旣而歸娶生子曰吾  
有子矣遂遠行求訪歷二十年遇疾幾死慟哭而返奉大士像

茹素終身

安慶府志

王國楨懷甯人父早卒母遭亂離散時方九歲號呼尋覓遇於  
湖邊已饑餓旬餘奄然一息乃採菱芡食之得全後又覓得其  
弟病甚禱天亦獲甦

安慶府志

王嗣雋懷甯人左兵陷皖父臥病不起守泣左右叱之不去賊  
至索金不厭鋒刃交下父竟遇害以衛父身受三刃絕而復甦

裴經終身

安慶府志

王懷堯懷甯人年十四從母攜兩弟避賊覓食即進母飼弟自採草葉以充飢季弟懷禹幼不能行母欲棄之懷堯不肯負之而趨賊追及將見殺懷禹叩頭請代兄死賊義而兩釋之

懷甯縣志

汪之濟懷甯諸生乙酉城潰抗賊救父負重創子三義亦諸生母年八十病肺臥牀未嘗一刻離傍歲試眾勸赴泣曰脫有不測此恨可復贖耶母亡未幾亦以毀卒

懷甯縣志

汪士元懷甯諸生父病篤割股療之父卒柩停於堂賊至士元與弟特生昇柩以奔冒矢石過賊營賊哀其義不忍傷之

懷甯縣志

方來賓桐城人年十二割股療父疾順治初撤桐邑守城兵兄爲兵誣得騾馬適他出即縛賓去及臨刑繩忽細裂將士驚訝

得釋

江南通志  
安慶府志

芮琛潛山人明季饑琛采蔬自食得米粟則奉父母餘分諸弟父爲賊執琛挺身出代賊義而兩釋之有族弟流亡琛爲變產

贖回

潛山縣志

葉士怡潛山人奉母避寇山堡堡失守賊將殺其母叩頭求代遂得金怡泣告親友鬻婢賣產贖回途復遇賊母墮巖傷足負行百餘里得全

江南舊志  
安慶府志

汪昌後潛山人明季土寇掠其家執母與弟昌後挺身出代賊義而釋之兄弟析產推腴取瘠鄰火延燒號泣虔禱風反火熄

安慶府志

徐家麟潛山諸生明季負母避亂遇賊刃其項過半母哀懇得釋一賊憐之爲縫其頸得不死

安慶府志

田德產太湖庠生明季父母皆爲賊所執將殺之德產與妻叩

頭求代賊憫其誠釋之後城陷復負母出避得脫母卒廬墓三年督學李嵩陽疏請

旌表建坊

江南通志

章于國太湖貢生城陷負母求脫不獲母赴水死哀毀絕粒者十餘日廬墓悲泣三年猶不歸

江南通志  
安慶府志

方岳太湖庠生寇亂母病不能出戶岳負母避賊遷徙數月卒免於難

安慶府志

張一忠太湖增生明季寇執其祖將殺之一忠甫七歲奔救泣

求賊憐而釋之

太湖縣志

方兆象太湖人年二十賊將殺其兄兆象泣而求代賊兩釋之後嫂生子一月而亡象命妻分子乳乳之撫以成立亂後族多不能自給慨然以田四十餘頃爲義田以贍之

太湖縣志



金振乾宿松人寇至以母病不能去賊將並刃之振乾曰幸宥我母且求引我門外殺莫傷母心也賊感而並釋之

安慶府志

張令奇懷甯人順治己亥海寇犯皖父應聘年八十七不能行令奇倉卒負入龍山父卒躬具舂鍤營葬跣足雨雪中膚裂血流見者莫不感愴

懷甯縣志

任塾字克家懷甯人乙酉城潰兵執其父將見殺塾請以身代父兵異而釋之後成康熙丁未進士歷任儀部郎督學山左廉

辭最著

江南通志

楊昭雍懷甯諸生父病刲股療之有鬻妻以償逋者爲出貲保全之生平力學宗程朱著有猛省警言克復圖說以子汝穀貴

贈如其官

江南通志懷甯縣志

王言懷甯庠生年十八刲左股愈母父病復刲右股以進同邑

諸生丁昌禧亦以割股療父聞又葉正奕丁世昌陳錦五陳培俱割股療母蔡世衡諸生割股療母又割股療伯父母子大定亦割股療伯父江守邠兩次割股療父詹先易兩次割股療母陳光烈父病割股及卒廬墓三年

安慶府志  
懷甯縣志

姚文鼇桐城庠生明季隨父孫棐任東陽賊許都陷城孫棐赴濠求死文鼇入水救出與義舅何德成趙鳴皋逐賊東陽獲全

乾隆九年

旌表建坊祀忠孝祠

桐城縣志

程鵬峻潛山人明季寇亂攜子和孤姪士亨及族孫伯祿避寇勢不俱全遂棄子而去

潛山縣志

金承蜩潛山人明季避寇虎頭寨寨破蜩適外出聞父母被擄遂冒刃詣賊營乞以身代賊酋買贏馬得贖回流離十八載身

負家譜不敢遺失

潛山縣志

方中發字有懷桐城庠生祖孔炤歸隱白鹿山中發隨侍孝養備至聞伯父以智避難追及於西江市汙舟中後以智卒於萬安水月菴又同其子中履千里奔喪護櫬以歸中履臨卒託以遺孤爲撫其子正瑗教養成立又嘗捐宇建先人理學祠刊兩世遺書百卷讓產推財鄉黨咸欽孝友所著有白鹿山房集

通志

項慶曾桐城歲貢父病刲股以進及卒廬墓三年母卒亦如之同邑諸生殷贊趙宗文廩生鄧璩又朱之絲許懋昭吳貽樵張公悅謝錫皆以割股救親聞

桐城縣志

張斌桐城人母病疽禱神求代恍惚有人告之曰舐盡膿血自愈遂日夜舐之果痊居喪哀毀水漿不入口及葬廬墓三年同

邑鄧元良母疽將潰以口吮之而愈桐城縣志

楊自厚桐城人嘗隨父夜行遇虎不及避自厚奮前擊虎虎驚

去父得無恙桐城縣志

齊登桐城諸生父奇名病篤刲股和藥以進及卒廬墓三年同

族齊士舉母卒終身廬墓桐城縣志

潘時迅桐城人父病兩刲其股衣不解帶者七年以子士潢成

進士官東陽

贈如其官桐城縣志

左世培桐城人父文毅卒於京都世培年十四扶櫬歸值三江

口風雨驟至同舟大恐世培披髮伏棺長號風止舟泊同行賴

以無恙桐城縣志

鄧芝桐城庠生父母病篤祈神求代俱得愈後雙親卒廬墓終

身乾隆三年

旌表同邑諸生吳兆玉何士銜馬陽鑒母卒皆以廬墓聞

桐城縣志

陳彝潛山諸生事繼母極孝妻宣氏亦能謹事孀姑時稱一門

雙孝有友忤當事禍且不測彝挺身救之得免

江南通志

張方爽桐城人康熙甲午副貢母病篤叩禱北辰凡四十九日

夜淚枯血出剗股以進竟以是致疾而卒乾隆二年

旌表建坊

桐城縣志

汪千宿松廩生早失怙事母孝好古積學凡太極西銘諸書俱

有解義舉賢良方正以母老不赴母卒廬墓三年

宿松縣志

周斌桐城人父喪哀毀母目失明朝夕調護以舌舐之七年復

明撫育亡姊遺孤四人俾得成立爲授產婚娶

江南通志

鄧森秀桐城人年已七十居喪哀慕不異孺子家不戒於火母

殞在堂伏棺號泣誓死於烈燄中俄而風反火熄幸保無虞

安慶

府志

濮閔中懷甯人九歲時母病目將盲以舌舐之數日復明後又病腹脹醫云須用絲瓜汁時方嚴冬求之不得閔中號泣尋覓忽於藏種中得一枚如新急取汁進得愈父病聞舒城有良醫一晝夜徒步二百里往求方及抵家兩足皆腫父母繼歿廬墓各三年自種樹於墓旁今名孝子林乾隆四十六年

旌表建坊

懷甯縣志

盛應魁懷甯人年十二母病篤三刲股煎湯進之以孝行

旌表建坊

懷甯縣志

彭玉明懷甯人幼爲伯母黃所養黃病篤斷指和羹以進得愈

懷甯縣志

縣志

姚士贊桐城人康熙庚午舉人母病割股以進不瘳呼搶蹶踴臂血迸出父文焱以補官卒於京徒步數百里迎喪歸哀感行路嘗客吳有鬻妻還逋者出資全之家居買山數處掩瘞枯骨  
雍正十三年

旌表建坊

江南通志

吳而強桐城庠生母病走數百里求醫不愈割股以進又不愈乃每夜焚香禮斗願減己算以增母壽得痊又嘗爲鬻妻者完官稅全其夫婦乾隆二年

旌表建坊

安慶府志

左藻字子畏桐城人康熙癸酉舉人授內閣中書性至孝凡建橋梁購義冢皆承父志爲之及父卒哀毀廬墓三年乾隆四年

旌表建坊祀鄉賢

桐城縣志

張玉章宿松歲貢少失恃仲兄撫育之兄病割股和藥以進得

愈又孝事繼母母患痢躬滌垢污盛夏不倦

安慶府志

王淑桐城諸生母病劇刲股以愈之者再友愛其弟終身不析

居著有左傳行注涵圃詩集

桐城縣志

劉日曜桐城人母歿時年已七十猶作孺子泣廬墓三年

江南通志

張孔綱桐城諸生嘗隨父暮行有虎突至孔綱以身當父前虎熟視而去母病求醫路遇異人授以一草問之曰吾丁姓持歸

服之果立愈今名其草爲丁公藤云乾隆十一年

旌表建坊卒年九十子均亦有孝行喜爲善有父風

桐城縣志

姚文勳桐城拔貢例可卽授官以父母春秋高不仕撫孤姪士

璽士至及孤甥方曾祐等悉心教養俱得成立卒年八十二祀

鄉賢

安慶府志



左之琮桐城人讀書山中忽心動亟歸母方有疾正念之而琮

已至人咸以爲異

江南通志

周天鳳字羽長桐城諸生少失怙事母孝從兄死二子俱幼捐  
己屋及產以與之旅子藻無依育如己子經紀其衣食婚娶俾  
得成立

江南通志

都先覺桐城諸生父母有疾衣不解帶家貧投經於外父母所  
欲必力致之邑偶不懌長跪終日俟其顏霽而後起里中推爲

純孝

江南通志

胡全修字敏求宿松諸生性極孝母病禱天願以身代刲股和  
藥以進得愈生平慷慨遇事排解鄉里倚以爲重

宿松縣志

江萬里桐城諸生性孝友析產推腴取瘠後三兄家皆落仍以  
己產與兄子共之歲饑嘗捐米數百石助賑里中稱篤行君子

江南通志

汪應星桐城人母患目疾朝夕以舌舐之得復明

桐城縣志

張若霖字巖舉相國英家孫年十一母卒哀毀骨立尤善承繼母歡與弟霈相友愛霈歷任浙東粵西每寄書必戒以官箴勸以祖訓遇水旱力爲倡賑全活無算旣卒鄉人思之多流涕者

江南通志

陳龍愷桐城人父病嘗糞冬夜思魚卽往水濱求而得之弟家落割己產以助又拾遺金守而還其人

桐城縣志

方正秘桐城庠生其兄嘗以事牽連被逮入京正秘負橐相隨周旋縲絏中水火不避及冤白出獄秘已鬚髮皓然矣竟以客死

桐城縣志

方正瑋桐城人童子時母病割股進得愈

桐城縣志

並稱之

安慶府志

楊恆先懷甯人事父母孝母卒呼搶幾絕比葬廬墓哀毀成疾

而卒同邑甘印符父歿廬墓荒山鬼物侵之不爲動又諸生劉

前彬父母卒俱廬墓三年又江瑜朱世伍父母卒俱廬墓三年

又何繼先徐芳遠貢生李核諸生范建機歲貢程從大皆以親

歿廬墓聞

安慶府志懷甯縣志

李進茂懷甯諸生父病痔癰同弟殿揚日遞吮之及卒廬墓三

年

懷甯縣志

蘇大本懷甯人父歿厝於龍山守墓三年蛟水陡發抱棺號慟

誓死不離俄旁決小港水他徙父柩得無恙

懷甯縣志

儲聰潛山人母卒水漿不入口者七日比葬廬墓三年同邑汪

甯芳母歿築室墓傍三年又庠生周芳世父歿守墓三載

潛山縣志

王朝蕃太湖歲貢父卒廬墓三年嘗還遺金救投繯全醫妻義事甚眾同邑諸生馬繩先三歲失母追思不置結墓側三年又善事繼母兄卒撫姪如子盡推腴產與之

安慶府志

汪必正太湖增生父母歿俱廬墓三年子姪奉其訓同居不析箸同邑何士泰徐廷珂皆親歿廬墓士泰友愛異母二弟廷珂撫孤姪成立皆見稱於鄉里

安慶府志  
太湖縣志

葉隆柱太湖庠生幼繼伯父爲嗣侍嫡母疾數十年不懈父歿異母弟三撫之成立好施與嘗捐金造橋建亭施茶善行甚夥

太湖縣志

章美太湖諸生父卒舁柩出葬猝遇寇眾逃散美哀告賊請歸父骸於土卽就刃寇憐而釋之母卒廬墓三年

安慶府志

章燦太湖諸生康熙戊辰楚有夏賊之警闔城懼匿燦獨侍父

疾父歿號呼時援兵分住民家聞哭哀甚不入其門又嘗急難

以救人死贈金以完人婚姻云

安慶府志

何式朝桐城人以明經考授州同知隨父之山陽學署河督于

成龍保留河工迨父引疾歸式朝不忍離亦回籍終養遂絕意

進取父卒廬墓三年終身不入城市

桐城縣志

方元醅字寄巢桐城人與兄元履齊名雍正己酉貢禮部不第

佐戴寅知定南及富德巡撫河南寶瑛巡察順永皆在幕府多

所匡助敬養寡姊友兄瞻弟爲兄子立後營祀田植松楸著寄

巢詩文集數十卷

劉大槐撰墓誌新增

嚴紳字朋韭桐城監生州判生而跪乳母劉氏目瞽紳朝夕舐

之復明康熙甲午歲祲計口賑米復買山以瘞枯骨

劉大槐文集新增

張廷琳桐城人候選州同知乾隆四年以孝行

旌表建坊

桐城縣志

胡其讓桐城人繼母卒廬墓三年鄉人嘗見有黑虎來寢廬傍

乾隆六年

旌表建坊

桐城縣志

王必凍桐城人年十二母病篤再割股進不愈及卒守墓二年

一日忽謂其從兄曰吾將於某日從母地下矣埋余母側可也

至期果卒

桐城縣志

許青芝桐城增生母病刲股進得愈踰時父病又刲股進亦得

愈同邑庠生吳銳諸生趙宗儀母疾割股得愈又吳詒鵬楊成

章方殷甌方文藻唐文萃陳式盛皆以割股救親聞

桐城縣志

錢雲鳳桐城人七世同居家百餘口慈孝友恭怡怡如也乾隆

十年

旌表建坊

桐城縣志

楊有玉桐城人生八子同居六世至百四十七人以居隘不得

已析著舉家號泣數日不忍離鄉里稱爲義門

桐城縣志

許霖桐城人母病與妻唐氏同割股進得愈踰年病又同割股

進亦得愈後霖病唐與子鳴飛鳴喈鳴岐割股療之唐病三子

亦割股療之一女歸視母病亦割股以進人謂一門純孝

桐城縣志

方玉麟桐城人父得偏枯疾割股以進立愈母櫻氣疾瀕死亦

割股以進得蘇

桐城縣志

余銓字子衡太湖庠生幼失怙恃哀毀如成人事繼母孝析產

後兄業替凡三出己產均之

太湖縣志

胡其愛桐城人家貧傭工養母每出傭以蔬米託鄰嫗代炊必

叩首而後行母痼疾而好觀劇村鄰演戲負母往俟畢負歸巾

裙襪皆手滌之三十年如一日母卒負土成墳卽墳旁挂片席以居感傷成疾而死同里劉大槐爲之傳又潘元生者偶出而室遇火母不得出元生奮身入冒火負母出頭面焦爛母子幸得無恙大槐附之其愛傳後

桐城縣志

吳國紱桐城人年十六父卒廬墓三年母卒亦如之旣析爨季弟家落乃復合之

桐城縣志

周安樂桐城人兩親繼歿廬墓六年同邑副貢程馨諸生張元徽皆以廬墓三年聞

桐城縣志

吳生菖桐城庠生七歲時父客京師轉客山左書問斷絕者十餘年弟生菑聞父所在往尋畱侍又一紀而未有歸計生菑在家授徒供母菽水一夕夢父大哭而醒卽辭館往尋數月得達乃奉父攜弟歸生菑亦孝友與兄同志生子詒澧生菖訓之得



領鄉薦

桐城縣志

陳世德懷甯人母病疽醫不能治以口吮之而痊年四十妻亡

不娶設榻母側者十餘年

懷甯縣志

程宗品潛山人母病目翳以舌舐之而愈及卒一慟幾絕戚屬

以大事勸乃強起支持含斂延至七日卒長號嘔血而終

潛山縣志

姚正旺太湖人父歿廬墓母卒亦如之兄病目瞽起居沐浴使

溺皆親自扶持

太湖縣志

汪大案潛山增生事繼母孝父中和卒於廣陵官署大案哀毀

扶輿歸皖俗客死者喪不入室力排眾議迎柩中堂成禮

潛山縣志

馬源字伯逢桐城歲貢官鳳陽教諭以母老辭歸母歿源已六

十矣泣血三年幾至滅性及葬廬於墓側哀感行路性又好施

康熙時連饑輒捐賑為同人倡鄉里德之

桐城縣志

劉效愷望江人康熙己酉舉人母疾嘗藥滌穢衣不解帶者經

年母歿哀毀廬墓三載

安慶府志

吳宗宸望江歲貢父病督侍養五十年不暫離父母繼卒營地

合葬廬墓三年同邑劉肅瞻曹履吉王明皆以親歿廬墓聞

望江縣志

望江縣志

吳周秀望江人母歿廬墓三年父歿復廬墓時年已六十子處

荒邱蛇虎遠其廬不少動

望江縣志

阮世恩字聿修桐城人初婚時值母病即晝夜侍奉母愈而後

入室兄世忠病危恩陰為疏禱神求代遂得嘔血疾而忠果愈

踰年忠又病於他邑恩五往返探視輿之歸刺血書前詞徧禱

忠愈而恩竟以嘔血卒

桐城縣志

范家芳望江庠生父病思棗不得塾中有一枯棗樹泣而祝之

忽得聚寶人咸異之父母繼卒廬墓三年哀號不已

望江縣志

朱璐望江人父病篤割股以進竟不起母虞氏以烈殉璐居二

喪哀毀骨立每聞人言及其母輒哭泣不能止

望江縣志

吳詠樹桐城諸生嘉慶元年舉孝廉方正治家有法同爨者百

三十八人每食男女以班一味必其勤於耕織斗粟尺布貯之

公所毫不自私宅有二桑鳩鵲同巢無爭聲

桐城縣志

楊楫懷甯歲貢父病目每晨以舌舐之數年無閒得漸明兄弟

五人同居不析爨

懷甯縣志

汪彥懿潛山人五世同居率子弟以禮

潛山縣志

汪彥健潛山人五世同居食指數百無閒言人稱義門同邑聶

盛利兄弟六人同居無閒言雍正三年捐穀助賑

潛山縣志

吳如春桐城庠生友愛諸弟百口同爨從無閒言

桐城縣志

儲賢灝潛山人兄弟七人同居四世合家二百餘人無聞言族

有孤貧鞠之二十餘年婚教成人凡修路施糧善行不一潛山縣志

王瑞太湖庠生父病刲股以進得愈太湖縣志

童源懷甯人年十六隨父入城應童子試歸過野螺橋父失足

墮水源奮身入救父得起而力竭沈深處父呼救無及矣安慶府志

汪華鳳懷甯人家罹火災焚至母榻前鳳急赴烈焰中救母出

徧體火傷越一口死安慶府志

檀之耀望江庠生從父遊於東粵同舟經高要之筍筒岡突遇

暴客之耀以身翼父奮與賊鬪父乃獲免之耀死焉德慶知州

於其地鐫石紀其事安慶府志

張俊臣太湖諸生祖士遴有弟士迅童時為賊掠去四十年不

知存亡後於京邸寓書歷述艱苦遴省書流涕自傷不能往迎

俊臣時年十六慷慨赴都迎以完聚乾隆三年

旌表建坊

太湖縣志

呂又賢太湖人與弟又良友愛子孫百餘人五世同居乾隆四年並

旌表建坊

太湖縣志

王士盈太湖人事父與繼母孝居喪哀毀鬻產營葬廬墓三年乾隆四年

旌表建坊

太湖縣志

韋紹選太湖人母疾禱天求代採藥司空山不憚危險父出遠買紹選往尋遇風舟覆幸不死卒迎父歸父母繼歿哀毀骨立竟成錮疾卒乾隆四年

旌表建坊

太湖縣志

朱貴森太湖庠生七歲父病卽知嘗藥十歲居喪哀毀如成人  
奉事生母嫡母孝敬如一兄早卒撫姪如子以治喪營葬積勞  
成疾將卒服猶未闋囑家人以喪服斂乾隆四年

旌表建坊 太湖縣志

李之宗太湖人考授經歷事繼母孝撫孤姪如子又建宗祠置  
義田助婚喪善行甚多乾隆五年

旌表建坊 太湖縣志

朋世蒿太湖人五歲讀有子孝弟章卽詢師以大義及長能色  
養父疾禱天求代藥必親嘗服侍不解衣帶居喪哀毀廬墓五  
年乾隆五年

旌表建坊 太湖縣志

余道謙潛山人乾隆甲寅舉人以母老不赴禮部試母徐卒年

九十餘道謙與兄荆彝廬墓三年後官英山訓導聞兄病乞歸  
兄卒逾年亦卒

潛山縣志

張必升太湖貢生事母極孝年六十定省依依如孺子慕母病  
思食鮮魚時市無售者自往龍潭求之徘徊間忽有生魚躍岸  
取歸進母得愈後官太和訓導乞養歸居喪廬墓以孝行

旌表建坊

太湖縣志

吳德亨宿松庠生母疾日夕祈禱願減算以益母及卒哀毀廬  
墓會大雨水漲漂沒廬舍亨抱母棺浮沈巨浸中數十里幸無  
恙乾隆五年

旌表建坊

宿松縣志

江可遂桐城諸生性孝友施濟無倦咸體親志弟有光早逝子  
在襁褓撫之成立教養一如己子乾隆六年

旌表建坊

桐城縣志

石硃宿松人父爲盜劫硃已逸出復入救父盜以火熾硃膚焦髮禿死而復蘇嘗隨父過龍湖父失足墮水硃躍入負父出遇救得免赴院試遇一婦投水詢之乃夫欲鬻以償逋遂傾囊濟之全其夫婦乾隆九年

旌表建坊

安慶府志宿松縣志

查正榮太湖諸生少失怙母遺腹生弟嘗攜之掃父墓弟失足溺水急投水抱弟遇救俱蘇家罹火災烈燄中負母以出太湖縣志齊驄桐城人嘗與弟同客海南弟疾篤驄不解衣帶者數月弟歿護柩歸里舟遇風號泣籲天風息舟定人以爲至性所感云

桐城縣志

江國安望江人事親孝乾隆己卯大水慮親柩將漂繫之樹旣



而水至亟往視之繩斷棺浮國安援棺被溺家人覓屍不獲水

定屍抱棺逆流而上勃勃如生

望江縣志

王最桐城增生十歲時母患血疾日向醫泣請醫戲之曰飲其血可愈最卽以口承其血而飲之疾果起同里有重其才品聘之入都者皆以親老辭乾隆六十年

旌表建坊

桐城縣志

吳尙望江庠生父病篤刲股以進得愈同邑吳承韻三次刲股療母葉奕刲股療母汪承謨兩次刲股療祖母李尙燮刲股療所後父

望江縣志

童賢墳望江人母病刲股救愈嘗拾遺金三十兩還其人

望江縣志

添喜望江諸生陳易之僕易病添喜刲股以進得愈

望江縣志按此尙

入義行舊誤未及更正

唐維純桐城人父卒守墓露立風雨中五日母疾求瓜時不得維純往荒園中且泣且覓竟得瓜以歸嘉慶初

旌表建坊

桐城縣志

江本宗懷甯人母疾刲股以進及卒廬墓麻衣草屨三年不雜髮嘉慶七年

旌表建坊

懷甯縣志

李聲湓太湖拔貢成童時母猝得心疾刲股進之得愈既長以明經授州判需次京師聞父病馳歸目不交睫者十數晝夜抵家父已健母疾忽作醫藥罔效聲湓籲天請代一夜方露禱母恍惚聞有人呼孝子者再奄睡去家人誤以爲屬續也奔告之急踊至榻前一慟而絕母竟霍然愈

太湖縣志

陳生棟懷甯人本姓許陳氏母繼以爲子母患怔忡生棟侍左

右咳嗽步履不敢有聲嘗隨陳父渡銅陵江風濤大作陳度不  
免呼生棟游涌逃生棟泣曰烏有瀕危而棄親求活者耶負陳  
出舟距岸數丈連躍而登俄頃舟沒後陳夫婦歿喪葬盡禮又  
爲本生父母追服三年嘉慶十二年

旌表建坊

懷甯縣志

劉鳳麟懷甯人傭工養母母病割股以進及卒廬墓三年嘉慶  
四年

旌表建坊

懷甯縣志

葛護成潛山人父病割股以進事繼母孝母失明嘗負至陝西  
往返歷六千餘里及卒廬墓母性畏雷聞雷聲輒遶墓哀泣

縣志

張紹泉潛山人母患目甚楚割肝和藥飲之得愈紹泉創亦無

重刊通志 卷三十五 九

恙潛山縣志

章典太湖人父病默禱願以身代居喪廬墓虎至不驚嘗有寄金一篋者其人死召其子還之後以諸生保舉孝廉方正辭徵不仕

太湖縣志

雷之榮字可受太湖人乾隆甲午舉人與弟庠生之求俱以孝友稱之榮晚知大田縣到任未幾聞母訃慟而卒之求居喪廬墓纂注喪服要覽手錄喪禮或問士林咸推重之

太湖縣志

徐訓一潛山諸生山水漂其母柩訓一年七十餘徒跣日數十里夜臥大澤見流螢成團疑有異撥沙得一足褶衣黃色母斂時所服也抱之號泣有人告以前樹下有屍缺足奔視果其母惟脫頤下骨載歸將改斂有持頤骨來者合之良是急索其人

不見咸以爲神

潛山縣志

王宜相潛山人父卒廬墓母患目失明以舌舐之得復明至今

人過其廬皆曰王孝子家

潛山縣志

郝正纁懷甯人兄年五十無子欲以正纁次子爲嗣正纁勸之置妾兄嫂俱不欲迺爲連買二女納之得一子兄嫂繼歿撫如己子子姪八十餘口四世同居鄉里稱之

懷甯縣志

劉維迴號丹溪太湖增廣生幼讀孝經輒掩卷流涕及父母歿泣血哀毀喪葬居廬皆如古禮嘗注孝經本義一書受業士李長森欲以付梓泣然曰撫心抱歉其可以闕世乎所著有貽經

堂文集

太湖縣志

章樞太湖庠生母先卒樞侍父與同臥起十餘年及父卒泣血

廬墓哀動行人

太湖縣志

李道湖懷甯人力農事母冬寒母易衣必溫以進夜臥亦必先

溫被母疾凡三割股療之

懷甯縣志

翁壯猷懷甯人少入武庠父勿喜臨卒執其手曰吾以汝爲能讀書繼志今已矣因大感慟卽苦次且泣且讀服闋陳情學使復入文庠繼母暑月疽生於胸與弟大猷遞吮療穢遂瘥初大父以其家孫授產千金盡以均諸弟不自私

懷甯縣志

史永芳望江諸生母病刲股及卒終身哀慕事之如生

望江縣志

余琢望江諸生幼失怙哀痛如成人事母孝母卒結廬墓傍每雷電風雨必告曰兒在此中夜輒嘯於前虎踞於側不少動三年始歸

望江縣志

疏士悅桐城人嘉慶二十五年以孝行

汪表建坊

舊志

周啟國桐城人母卒廬墓三年道光二年以孝行

旌表建坊舊志

江謨桐城人道光四年以孝行

旌表建坊舊志

唐肱字錢雨桐城庠生年十四出就外傳聞父病夜歸無渡即徒涉麻溪大河幸得不溺入門父已卒撫屍一慟幾絕母患頭疾有言鮮白槿花可治泣禱土神得一枝於籬下遂愈母後病甚刺血寫疏禱神求代母瘳而肱果以次日死桐城縣志

葉鼎三太湖人幼喪母侍父寢食者三十餘年父病刲股以進及卒廬墓三年有虎夜伏廬外不爲害太湖縣志

葉文江桐城人父歿守墓七載道光五年以孝行

旌表舊志

韋鏡太湖庠生九齡失恃隨父寢食後雖有室侍寢無閒父卒

廬墓三年兄出嗣伯後遺產必與均分弟旭性友愛惟鏡言是

從

太湖志

李孔啟桐城人幼失怙事母極孝嘗濟困扶顛睦族邨鄰皆曲體親意爲之道光六年以孝行

旌表

舊志

周家祿太湖人年十二隨父之郟陽遇盜索金不得欲殺其父家祿抱哭求代盜憐其幼得釋父病醫藥親嘗服侍不懈日夜禱天乞以身代道光六年以孝行

旌表

太湖志

李長慶字壽朋太湖增廣生年十二出嗣伯父嗣父早卒事母劉如所生劉病篤額天求代及卒哀痛迫切嘔血數升弟長森歷任各省皆資襄贊嘗以事爲弟自閩入都十八日晝夜馳六



千里其篤友愛如此

太湖縣志

張平願桐城庠生母病目盲和藥舐之得愈又唐虞者刲股救

父得愈母病目舐之亦復明

桐城縣志

劉子純桐城人母病刲股進得愈里有鬻妻者爲出金全其夫

婦後母復病子純不勝憂懼及母愈而已竟以嘔血卒

桐城縣志

吳潮雲桐城庠生父客臺灣往省視甫至數日而父卒扶輿渡

海颶風大作潮雲伏棺長號請以身代遂躍入水忽有一木浮

之而起風平舟定一舟慶更生皆以爲至孝所感

桐城縣志以上舊志

哈增壽懷甯人手足拘攣行乞養母自忍饑寒積錢爲母製衣

得酒食奉母榮跼歌舞以娛之

中西聞見錄李善蘭孝丐詩以下新增

孫佑標姚興濶俱桐城人道光年

旌表孝子

科鈔

蔣勸杜文瑞增生王承斌俱桐城人道光年以孝行

旌表 科

程煥潛山人辭官奉母道光年

旌表孝子 科

李成喬太湖人道光年以孝行

旌表 科

方友信方際明胡來庭張自孔陳表俱宿松人道光年

旌表孝子 科

錢有達懷甯人侍母疾嘗糞助醫女者金令歸原聘 懷甯縣志

趙鎔桐城人遭父母喪六年不入內寢資財為兄得而喪葬費

悉鎔任之 桐城縣志

徐模字碩固宿松歲貢舉孝廉方正事親色養無閒居喪哀毀

敬事兩兄親睦宗族倡立同願局施藥施棺總督孫玉庭給敦

行不怠額

宿松縣志

劉掄才懷甯監生年十四母病劇禱神割股和藥而愈

懷甯縣志

丁振緒桐城人母病兩次割股託言鹿脯作羹以進母病立瘳

桐城縣志

縣志

余若登潛山人年十二侍父病三月不懈以割股獲痊又彭賢

侃程珠玉汪體健俱父病割股

潛山縣志

黃經傳潛山人母疾篤偕妻朱氏割股療之又農人程能宏諸

生余焯俱割股療母

潛山縣志

石文英宿松人父病割股療之愈同縣庠生柴箕割股療母監

生黃視灼童年父病割股以療視灼之孫監生思梅亦母病割

股思梅之子旭明母病割股和藥者三次又劉其才兩次割股

療親宿松縣志

周道望江舉人割股療母疾獲愈又曹盛和吳志全俱割股療

父汪瑞風母病割股進之旋愈望江縣志

王鴻恩字鳳馳懷甯武生兼能詩文督學朱筠試古學第一尤

篤孝義割股以療母病出資保嫠婦節贍養終身懷甯縣志

馬爲範字德才桐城人少孤傭工養母母病篤爲範潛以刀披

胸割肝以療暈絕家人奔救數其創母愈而爲範亦無恙及母

卒爲範尋歿桐城縣志

方松字春森桐城人從九品博聞敦行割股以療父讓產於兄

訓子以理學族戚故舊貧乏者必周恤之桐城縣志蘇

施周字在干桐城監生繼母病割股和藥以療及卒寢於柩側

三年又吳旣方割股療母桐城縣志

劉開吉太湖人年十五父病禱以身代母病刲股和藥獲愈年

六十猶爲溫衾滌膺

太湖縣志

陳東明桐城人少孤貧母病痿夜常數起東明坐臥牀下十餘

年屢次割股以療及歿廬墓三年

桐城縣志

汪和鈞監生吳范文從九品俱潛山人父母歿各廬墓三年又

余春耀父病革焚香祝代兩次刲股以救及歿廬墓三年孫敏

學母歿廬墓三年

潛山縣志

韋紹昇紹昭紹晟俱太湖監生父歿均廬墓五年母章病疫感

夢得司空山長春簾而愈遵親命捐數百金修楓香嶺路兄弟

自幼相友愛同爨六十年明堂山田最腴析產時互相推讓今

土人名其地爲韋氏讓田焉紹晟病子宗杞刲股進藥

太湖縣志

韋宗禹太湖庠生馬大忠太湖監生均刲股療父疾親歿廬墓

又庠生程拔封股療母廬墓三年增生阮尊監生劉永任吳彊  
 汪國光章正岳廬父母墓均各三年農人殷毓連廬父母墓七  
 年庠生朱斯煌廬父母墓各九年劉克濟廬墓十三年章宗禹  
 吳彊朱斯煌均有出資完人夫婦事太湖縣志  
 方維新嶺松人父病兩次封股和藥父歿廬墓三年母卒時新  
 年已六十率子孫哭墓不輟嶺松縣志

何先潔望江人廬父墓三年又龍桓廬母墓三年望江縣志

王知琢嶺松人幼喜讀孝經母卒廬墓父歿亦如之當居廬時

裒古孝行七百餘人為書二卷嶺松縣志

胡昌琦太湖庠生少孤事母孝及母歿廬墓三年又附貢朱應  
 祚父歿哀毀絕粒數日既葬廬墓母歿亦如之里有溺女者出

金收養太湖縣志

唐勝萬桐城人家貧純孝父歿夜宿墓側日出力作養母邑人

錢彝訪其墓廬贈詩而去

桐城縣志

吳配彩懷甯人父歿哀毀喪明母年七十餘貧極無以爲養乃行乞於市日以炷香哭父墓數十年又謚宜勲咸豐十年髮賊踞城掘棺以爨宜勲聞賊將掘父墓奔救被執泣訴之賊感其孝乃免

懷甯縣志又呈冊

馬光志字道存懷甯人父客死光志千里奔喪母歿廬墓三年奉

旌表

懷甯縣志

王千有桐城人父館休甯橫阮歿葬館舍傍千有奉母佃祁門

每省父墓輒流涕母歿廬墓側哀毀終身

桐城縣志

張錦潛山附生張鉞潛山廩生兄弟共廬父墓晝夜哀泣鉞得

寒疾以歿著有崇正類編四十卷

潛山縣志

楊德中字芑泉宿松歲貢父目失明德中日舐之家貧授徒山中念父老病輟講席伴寢處十餘年居喪不作佛事道光十七年

旌表

宿松縣志  
江桂月文集

丁德輔字翊臣桐城人父患肺癰德輔一日夜行二百里乞藥獲痊及居喪廬墓六年道光十八年

旌表

桐城縣志  
宗誠柏堂文集

儲枝柏潛山人布經歷銜繼母患疽閱七月枝柏與妻王氏日夜吮膿未嘗離側

潛山縣志

蔣大橋字立峯太湖人州同父患癰瘕扶掖數年母病癰與妻李氏迭吮之承父志捐建家廟享堂置祭田又舉人周於義父



病癰吮之

太湖縣志

方士瑜宿松人母瞽又手足病瘍士瑜舐母目滌瘍血妻朱氏佐夫事姑出入負行均三十年如一日士瑜卒後至同治八年以孝子孝婦

旌表祠坊

宿松縣志

趙大克宿松農人母病廢起動需人大克身任之雖農忙必按時歸家服侍垂四十年不衰

宿松縣志

張熊飛宿松武生幼時父遠客無耗里人有遇之貴州天柱縣者歸語熊飛白母乞食往黔備歷艱苦奉父而歸

宿松縣志

都起豐字懷友桐城人周晬時父遊陝西客死五歲母亡及長傭力三十餘年徒步達陝覓父骨以歸時叔祖暨伯叔諸父歿於陝者凡八人越數年復入陝舉八柩歸葬並攜族孫返爲娶

妻生子先是起豐少孤不知祖墓所在及是備於某山下訪求

一年乃得之買田置祀廣其界焉

桐城縣志

吳國祿太湖監生母病侍牀蓐數年諸兄早逝撫孤姪同居並

迎寡姊孤甥育於家經紀其婚喪建家塾置義田

太湖縣志

方其明桐城寡人子乞食養母母癯老其明每負之行母歿乃

爲人傭得溫飽輒思母而泣

方宗誠柏堂文集

方聞字伯言桐城人東樹子也母患痺疾輾轉衾褥閒日夕侍

側凡十餘年著有抱獨山人詩集

桐城縣志

吳厚培桐城人母瞽久病侍奉不懈家貧傭力織布得飲食以

奉母夏則揮扇冬則解衣溫母手足終身如一日

桐城縣志

吳琇桐城監生繼母病三年未嘗安寢撫兄弟孤幼如子鄰人

鬻妻捐金完之

桐城縣志

崔家綿潛山伯生誠篤盡孝親病號泣顙天願減壽以益親算

未幾親痊而家綿卒潛山縣志

劉福滔宿松人舟行父墮水福滔投身水中挽父漂流十餘里

抵淺汀俱得生又陳炳培山水暴漲時奮身急流救父得生炳

培力竭死宿松縣志

程可龍潛山人大水突至祖被冲至中流可龍棄子水中挽祖

登岸子亦無恙潛山縣志

陶聯元桐城人耕廬江父歿厝黃山下咸豐戊午蛟水漂父棺

聯元往救殉焉浮尸至高橋仍兩手抱棺眾為瘞於桃樹凹桐城縣志

縣志

陳大賓桐城人幼孤習縫工以養繼母母歿所居火呼救不及

身覆棺上俄而火息既葬廬墓十餘年桐城縣志

恩卹

桐城縣志  
馬樹華文集

鄭連字韓浦桐城人縣主簿父殯東鄰火屋焚連匍匐伏父柩不去已而同風滅火獲全咸豐三年城陷罵賊死蒙

楊盛徵李今成嵇萬彩嵇萬富韓上賢何書美蔣修富俱懷甯人均救父鬪賊殉難文生汪元振救父得免而已死之又胡元熾救兄何振先救弟俱被害

懷甯縣志

張靈敏懷甯人賊至侍父不去被害又丁宏魁汪執廷江慶堂黃松盛程道全程虞富嵇登本嵇登名蔣修道附生裴鼎俱護母被害從九品陳孔鏞守父柩不去孫文志守母柩不去俱被害

懷甯縣志

張聰登字從之桐城人訓導咸豐三年桐城陷聰登負父骸走匿深山母卒營葬以哀毀歿

桐城縣志

方曜字東泰桐城人刲股救祖母疾咸豐三年遇賊被害又是年方性連負母出避遇賊母子俱被害曜性連均蒙

旌卹桐城縣志

姚壽春桐城人父卒權厝北郭咸豐八年賊擾桐城壽春懼焚親柩負土掩之被執不屈死

桐城縣志

錢強士桐城人咸豐九年負母避難賊追及之俱被害

桐城縣志

汪雲路太湖監生救兄鬪賊而死兄得免

太湖縣志

方宗建字立三桐城人兄惟一資送軍糧團練鄉勇咸豐七年官兵潰賊索惟一急宗建請兄遠避己代往死之事聞

旌卹桐城縣志

王靖左樹德劉桂枝俱桐城人靖母歿父存夜視寢後趨宿母墓風雨無聞者三載咸豐九年父被賊所得靖挺身求代而免

重修安徽通志

卷三十三

人物志

孝友

三

安慶府

父卒又廬墓三年樹德禪祿知讓長孝二親廬墓數載寇至不去賊憐其孝貽以錢米不受桂枝少孤傭耕養母母歿廬墓三年均於同治年

旌表

方宗誠柏堂文集

程二朋潛山人祖被賊擄二朋時年十二隨至賊所號泣求免夜縱祖逸賊覺殺之

潛山縣志

仰思謙潛山人父病風起居必親負賊至執思謙閉諸室思謙以頭撞壁呼父賊紿以父死遂大哭罵賊支解之又劉春桂儲玉田儲英才方全保俱護親遇害均蒙

旌卹汪國榮戴德順石憲章儲枝駟儲枝冬鄭維川同弟金林均以遇

賊護親死

潛山縣志

余光楷徐兆縉俱潛山人親歿未殯賊至守棺不去被害

潛山縣志

盧木林潛山人父被賊執木林年十三持挺擊賊被害又儲光

蔡奉親避難遇賊屬弟護父母出已率眾鬪死

潛山縣志

王啟元潛山人母歿泣血三年父被賊執啟元從之旬日不捨賊感而釋之又諸生儲良旦母被賊執泣代得免

潛山縣志

王進太湖人年十三父子遇賊脅降進曰釋父則相從父既免進罵賊死之又李大平聶世泰袁兆榮呂儒珍路道凡均以護母被戕朱煥盈父旭初被擄求以身代賊並殺之

太湖縣志

唐光潤宿松人年十三母患癰數吮得愈年十七父病刲股雜

羹湯進之既冠隨父自關中歸遇盜將刃其父光潤紿以重資

在後願釋父畱己爲質父脫而重資無至者遂遇害

宿松縣志

舒珍懷甯人少孤事母以孝稱交友直諒居鄉勇於爲義侍郎

彭玉麟師事之

懷甯縣志

王沆字師潮桐城諸生九歲喪父哀毀如成人及長母歿哀毀

旬日而卒

桐城縣志

張勣字蕭烈桐城監生兄析居後客死勣奉嫂撫孤成立償兄

餘債五百金

桐城縣志

張耕裕桐城人兄弟三人耕裕出嗣胞伯析居時應得家產之半耕裕仍與兄弟均分族人復議以腴田數十畝畀之卻不受

桐城縣志

吳維楚字舒翹桐城諸生父應植著靜思錄皆言忠孝節義感

應事維楚自悼孤貧終身奉行此書友愛諸父兄弟至老怡怡

子庭輝字助齋善事父母拾薪負米皆親爲之食貧好學雖飢

餓不釋卷卒年三十三

桐城縣志方宗誠柏堂文集

王家彥字葆華太湖舉人五歲讀論語卽知孝弟之義居父母



喪廬墓後議敘知縣以祖母年老不赴

太湖縣志

何資鳳字紀堂宿松人衛千總居親喪哀毀盡禮兄弟四人第

愛至老不衰族黨有貧苦數十人食於家歿則殯葬之

宿松縣志

楊球茂宿松人幼孤家貧事本生母嗣母皆極愛敬力謀甘旨

無缺弟卒撫孤成立

宿松縣志

陳安茫望江人母病籲天請代兄弟五世同居中歲喪偶不再

聚家貧好施有鬻妻者賣耕牛以完聚之

望江縣志

汪植楨桐城人咸豐年以孝行

旌表

科

廩生吳漢槎民人朱方俱桐城人同治十二年

旌表孝子

桐城縣志